

# საქართველოს შინაგან საქმეთა მინისტრის

ბრძანება №94

2024 წლის 27 დეკემბერი

ქ. თბილისი

„საქართველოს შინაგან საქმეთა სამინისტროში სამხედრო-საექიმო და სამედიცინო ექსპერტიზის ჩატარების წესის დამტკიცების შესახებ“ საქართველოს შინაგან საქმეთა მინისტრის 2020 წლის 11 მაისის №69 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტისა და „საქართველოს შინაგან საქმეთა სამინისტროს დებულების დამტკიცების შესახებ“ საქართველოს მთავრობის 2013 წლის 31 დეკემბრის №337 დადგენილებით დამტკიცებული დებულების მე-5 მუხლის მე-2 პუნქტის „ა“ და „ნ“ ქვეპუნქტების საფუძველზე, ვბრძანებ:

## მუხლი 1

„საქართველოს შინაგან საქმეთა სამინისტროში სამხედრო-საექიმო და სამედიცინო ექსპერტიზის ჩატარების წესის დამტკიცების შესახებ“ საქართველოს შინაგან საქმეთა მინისტრის 2020 წლის 11 მაისის №69 ბრძანებაში ([www.matsne.gov.ge](http://www.matsne.gov.ge), 13/05/2020, 140030000.22.034.017001) შეტანილ იქნეს შემდეგი ცვლილება:

**1. ბრძანების სათაური ჩამოყალიბდეს შემდეგი რედაქციით:**

„საქართველოს შინაგან საქმეთა სამინისტროში სამედიცინო შემოწმებისა და ექსპერტიზის ჩატარების წესის დამტკიცების შესახებ.“.

**2. ბრძანების პირველი მუხლი ჩამოყალიბდეს შემდეგი რედაქციით:**

## „მუხლი 1

დამტკიცდეს საქართველოს შინაგან საქმეთა სამინისტროში სამედიცინო შემოწმებისა და ექსპერტიზის ჩატარების თანდართული წესი“.

**3. ბრძანებით დამტკიცებული წესის:**

**ა) სათაური ჩამოყალიბდეს შემდეგი რედაქციით:**

„საქართველოს შინაგან საქმეთა სამინისტროში სამედიცინო შემოწმებისა და ექსპერტიზის ჩატარების წესი.“;

**ბ) პირველი მუხლის პირველი პუნქტი ჩამოყალიბდეს შემდეგი რედაქციით:**

„1. ეს წესი განსაზღვრავს საქართველოს შინაგან საქმეთა სამინისტროსა (შემდგომ – სამინისტრო) და საქართველოს სახელმწიფო უსაფრთხოების სამსახურის სისტემაში (შემდგომ – სახელმწიფო უსაფრთხოების სამსახური) სამედიცინო შემოწმებისა და ექსპერტიზის ორგანიზებასა და ჩატარების წესს.“.

**გ) მე-2 მუხლის:**

**გ.ა) პირველი პუნქტის „ა“ ქვეპუნქტი ჩამოყალიბდეს შემდეგი რედაქციით:**

„ა) ექსპერტიზის გავლის გზით (შემდგომ – ექსპერტიზა);“;

**გ.ბ) მე-2 პუნქტის „ა“ ქვეპუნქტი ჩამოყალიბდეს შემდეგი რედაქციით:**

„ა) სამინისტროში ან სახელმწიფო უსაფრთხოების სამსახურში სპეციალური წოდებით მისაღები პირი, გარდა საქართველოს კანონმდებლობით გათვალისწინებული შემთხვევებისა;“;



**გ.გ) მე-2 პუნქტის „გ“ ქვეპუნქტი ჩამოყალიბდეს შემდეგი რედაქციით:**

„გ) სამინისტროსა და სახელმწიფო უსაფრთხოების სამსახურის სპეციალური წოდების მქონე მოსამსახურე;“;

**დ) მე-3 მუხლის მე-2 პუნქტის „ა“ ქვეპუნქტი ჩამოყალიბდეს შემდეგი რედაქციით:**

„ა) ცენტრალური სამედიცინო კომისია (ცსკ) (შემდგომ – ცსკ);“;

**ე) მე-6 მუხლი ამოღებულ იქნეს;**

**ვ) მე-7 მუხლის:**

**ვ.ა) 5<sup>1</sup> პუნქტი ჩამოყალიბდეს შემდეგი რედაქციით:**

„5<sup>1</sup>. ექსპერტიზას დაქვემდებარებული პირი ვალდებულია ექსპერტიზის გასავლელად ცსკ-ს წარუდგინოს სამხედრო აღრიცხვის დამადასტურებელი დოკუმენტი, თუ იგი იმყოფება სამხედრო აღრიცხვაზე.“;

**ვ.ბ) 6<sup>1</sup> და 6<sup>2</sup> პუნქტები ჩამოყალიბდეს შემდეგი რედაქციით:**

„6<sup>1</sup>. სამინისტროს გენერალური ინსპექციის (დეპარტამენტი) მიმართვის საფუძველზე, ცსკ აფასებს მოსამსახურის ფსიქიკური ჯანმრთელობის მდგომარეობას და იღებს ერთ-ერთ შემდეგ გადაწყვეტილებას:

ა) მოსამსახურის ფსიქიატრიული ექსპერტიზის (სტაციონარული) ჩატარების საჭიროების შესახებ;

ბ) მოსამსახურის ფსიქიატრიული ექსპერტიზის (სტაციონარული) ჩატარების საჭიროების არარსებობის შესახებ.

6<sup>2</sup>. ამ მუხლის 6<sup>1</sup> პუნქტის „ა“ ქვეპუნქტით გათვალისწინებულ შემთხვევაში მოსამსახურე ვალდებულია ფსიქიატრიული ექსპერტიზის (სტაციონარული) ჩატარების მიზნით მიმართოს საჯარო სამართლის იურიდიულ პირს – ლევან სამხარაულის სახელობის სასამართლო ექსპერტიზის ეროვნულ ბიუროს, რომლის დასკვნასაც წარუდგენს ცსკ-ს. აღნიშნული ვალდებულების შეუსრულებლობა წარმოადგენს სამინისტროს მოსამსახურის თანამდებობიდან გათავისუფლების საფუძველს.“;

**ვ.გ) მე-17 პუნქტი ჩამოყალიბდეს შემდეგი რედაქციით:**

„17. სამინისტროსა და სახელმწიფო უსაფრთხოების სამსახურის იმ მოსამსახურეებს, რომლებსაც სამინისტროში, გავლილი აქვთ „საქართველოს სამხედრო ძალებში სამხედრო-საექიმო წესის შესახებ“ საქართველოს თავდაცვის მინისტრის 1996 წლის 26 დეკემბრის № 360 ბრძანების დანართით გათვალისწინებული დაავადებათა ცხრილის III და IV გრაფებით სამხედრო-საექიმო შემოწმება, ამ წესის შესაბამისად „შემდგომი სამსახურისთვის“ ვარგისიანობის კატეგორიით ექსპერტიზას გაივლიან ამ მუხლის მე-2 და მე-3 პუნქტებით გათვალისწინებული ცხრილების II და III გრაფებით.“;

**ვ.დ) მე-18 პუნქტი ჩამოყალიბდეს შემდეგი რედაქციით:**

„18. ამ მუხლის მე-2 და მე-3 პუნქტებით გათვალისწინებულ დაავადებათა ცხრილების II-III გრაფების შესაბამისად, ექსპერტიზის გასავლელად დაიშვება პირი, ამავე მუხლის 5<sup>1</sup> პუნქტით გათვალისწინებული სამხედრო აღრიცხვის დამადასტურებელი დოკუმენტისა და საჭიროებისამებრ, ცსკ-ს მოთხოვნით, შეზღუდვის დამადასტურებელი დოკუმენტაციის წარმოდგენის შემთხვევაში, თუ იგი იმყოფება სამხედრო აღრიცხვაზე და წვევამდელთა ეროვნული სამხედრო სამსახურისთვის შესაბამისობის კატეგორიების მიხედვით, ცნობილ იქნას:

ა) შესაბამისად სამხედრო სამსახურისთვის უმნიშვნელო შიზოიდული;



ბ) შეზღუდულად შესაბამისად სამხედრო სამსახურისთვის;

გ) დროებით შეუსაბამოდ სამხედრო სამსახურისთვის.“;

**ზ) მე-8 მუხლის:**

**ზ.ა) მე-2 პუნქტი ჩამოყალიბდეს შემდეგი რედაქციით:**

„2. სამედიცინო შემოწმების/ექსპერტიზის გასასვლელად წარდგენილმა კანდიდატმა უნდა შეავსოს წერილობითი ინფორმირებული თანხმობის ბლანკი სამედიცინო შემოწმების/ექსპერტიზის გავლისა (სამედიცინო შემოწმების/ექსპერტიზის გავლის საჭიროების შესახებ, სამედიცინო შემოწმების/ექსპერტიზის გავლისა და შემდგომი შედეგების შესახებ, განზრახული სამედიცინო და ფსიქოლოგიური კვლევების შესახებ, სამედიცინო კვლევებზე უარის თქმის შესახებ, კვლევების პროცესში დაშვებული აუდიო-ვიზუალური კონტროლის შესახებ (გარდა საქართველოს კანონმდებლობით გათვალისწინებული გამონაკლისებისა)) და მისი პერსონალური მონაცემების, მენახვის, გაცვლის ან სხვაგვარად დამუშავებაზე თანხმობის შესახებ (წესის დანართი №3).“;

**ზ.ბ) მე-6 პუნქტი ჩამოყალიბდეს შემდეგი რედაქციით:**

„6. სამედიცინო შემოწმებასა და ექსპერტიზას დაქვემდებარებულ პირს უტარდება ზოგადი ქირურგის, შინაგანი მედიცინის სპეციალისტის, ნევროპათოლოგის, ფსიქიატრის, ოფთალმოლოგის, ოტორინოლარინგოლოგის, სტომატოლოგის, დერმატო-ვენეროლოგის, ფთიზიატრია-პულმონოლოგიის სპეციალისტის, ორთოპედ-ტრავმატოლოგის და ქალი კანდიდატებისთვის მეან-გინეკოლოგის კონსულტაცია. ორმოც წელს გადაცილებულ ექსპერტიზას დაქვემდებარებულ პირს უტარდება ელექტროკარდიოგრაფია და თვალის შიდა წნევის გაზომვა.“;

**ზ.გ) მე-10 პუნქტი ამოღებულ იქნეს;**

**ზ.დ) მე-11 პუნქტი ჩამოყალიბდეს შემდეგი რედაქციით:**

„11. ცსკ-ის უფროსის (თავმჯდომარე) მოტივირებული წერილობითი გადაწყვეტილებით, შესაძლებელია კომისიის მიერ შემოწმებულ, ექსპერტიზას დაქვემდებარებულ პირთა გადამოწმება ან დამატებითი გამოკვლევებისა და განმეორებითი სამედიცინო შემოწმების ჩატარება.“;

**ზ.ე) მე-13 პუნქტი ჩამოყალიბდეს შემდეგი რედაქციით:**

„13. გამოკვლევის პროცესში, თუ პირს გამოუვლინდა ისეთი დაავადება, რომლის მიხედვითაც ამ წესის დანართი №2-ით გათვალისწინებული დაავადებათა ცხრილით გათვალისწინებულია ვარგისიანობის/შესაბამისობის კატეგორია – „ე“ არ არის ვარგისი სამსახურისათვის, შემოწმება შეწყდება და შედგება შესაბამისი დასკვნა.“;

**ზ.ვ) მე-14 და მე-15 პუნქტები ჩამოყალიბდეს შემდეგი რედაქციით:**

„14. გამოსაკვლევ პირს დიაგნოზის დაზუსტების მიზნით, საჭიროების შემთხვევაში უტარდება დამატებითი გამოკვლევები და სხვადასხვა ექიმ-სპეციალისტთა კონსულტაციები. ცსკ-მ შესაძლებელია ისარგებლოს სპეციალიზებული სამედიცინო დაწესებულებების მომსახურებით, საქართველოს კანონმდებლობით დადგენილი წესით.“

15. ამ წესის მე-7 მუხლის მე-6 პუნქტის „ა“ ქვეპუნქტით გათვალისწინებულ შემთხვევაში, გამოსაკვლევ პირს შესაბამისი გრაფით გათვალისწინებული მოცულობით ექსპერტიზის გავლისას თუ დაუდგინდა ამ მუხლის მე-12 პუნქტის „გ“ ქვეპუნქტით გათვალისწინებული ვარგისიანობის/შესაბამისობის კატეგორია, ასეთ შემთხვევაში ცსკ, ამ პირს უტარებს ექსპერტიზას მის მიერ დაკავებული თანამდებობისთვის გათვალისწინებული ფუნქციის შესაბამისი გრაფის „შემდგომი სამსახურისთვის“ ვარგისიანობის კატეგორიის მიხედვით.“;



თ) მე-9 და მე-10 მუხლები ჩამოყალიბდეს შემდეგი რედაქციით:

**„მუხლი 9. ცსკ-ის შემადგენლობა და გადაწყვეტილების მიღების წესი**

1. ცსკ-ს ხელმძღვანელობს კომისიის უფროსი (თავმჯდომარე).
2. ცსკ-ს შემადგენლობაში შედიან: კომისიის უფროსი (თავმჯდომარე), ექიმი-სპეციალისტი (არანაკლებ 5) და კომისიის მდივანი (ხმის უფლების გარეშე).
3. კომისიის შემადგენლობაში უნდა შედიოდნენ შემდეგი სპეციალობის ექიმი-სპეციალისტები: შინაგანი მედიცინა, ზოგადი ქირურგია, ნევროლოგია, ფსიქიატრია, ოტორინოლარინგოლოგია, ოფთალმოლოგია.
4. საქართველოს კანონმდებლობით გათვალისწინებულ შემთხვევაში, შესაძლებელია ცსკ-ს წევრად მოწვეულ იქნეს სხვა ექიმი-სპეციალისტი.
5. ცსკ კომპეტენციის ფარგლებში, საქართველოს კანონმდებლობით დადგენილი წესით იღებს დასკვნებსა და სხვა გადაწყვეტილებებს, მათ შორის, ცნობას (წესის დანართი №5), ავადმყოფობის მოწმობასა (წესის დანართი №6) და სამკურნალო შვებულების შესახებ ცნობას (წესის დანართი №7).
6. ამ მუხლის მე-5 პუნქტით გათვალისწინებულ გადაწყვეტილებებს ცსკ იღებს კოლეგიალურად ხმათა უმრავლესობით.
7. კომისიის უფროსის (თავმჯდომარის) ან ცსკ-ის სხვა წევრის განსხვავებული აზრის შემთხვევაში განსხვავებული აზრი იწერება სამედიცინო შემოწმების აქტში (კომისიის სხდომის ოქმში), ხოლო გადაწყვეტილება მიიღება ხმათა უმრავლესობით, ხმების თანაბრად გაყოფის შემთხვევაში, გადამწყვეტია ცსკ-ის უფროსის (თავმჯდომარე) ხმა.
8. ცსკ შემოწმების შემდეგ ექსპერტიზას დაქვემდებარებული პირის შესახებ ადგენს დასკვნას სამსახურისათვის მისი ვარგისიანობის/შესაბამისობის თაობაზე ამ წესის მე-8 მუხლის მე-12 პუნქტით გათვალისწინებული კატეგორიების მიხედვით.

**მუხლი 10. დაავადებებისა და დასახიჩრების სამსახურის გავლასთან მიზეზ-შედეგობრივი კავშირის დადგენა**

ცსკ-ის მიერ სამინისტროსა და სახელმწიფო უსაფრთხოების სამსახურის სისტემის მოსამსახურეთა და სამსახურიდან დათხოვნილ პირთა დაავადებებისა და დასახიჩრების სამსახურის გავლასთან მიზეზ-შედეგობრივი კავშირის დადგენას ხორციელდება ამ წესის დანართი №1-ით გათვალისწინებული მეთოდური მითითებებითა და საქართველოს კანონმდებლობით დადგენილი წესის შესაბამისად.“;

ი) დაემატოს შემდეგი რედაქციის მე-15 მუხლი:

**„მუხლი 15. გარდამავალი დებულებები**

1. სამინისტროსა და სახელმწიფო უსაფრთხოების სამსახურში 2025 წლის 1 იანვრამდე წვევამდელთა ეროვნული სამხედრო სამსახურის გასავლელად ჩარიცხულ პირზე ცსკ-ს მიერ ექსპერტიზა ტარდება ამ ბრძანებით დადგენილი წესით.
2. ჯანმრთელობის მდგომარეობის გამო წვევამდელთა ეროვნული სამხედრო სამსახურიდან ვადამდე გათავისუფლების მიზნით ამ მუხლის პირველი პუნქტით გათვალისწინებული პირი გადის ექსპერტიზას ამ წესის მე-7 მუხლის მე-2 და მე-3 პუნქტებით დადგენილი ცხრილების I გრაფის შესაბამისად.“.

**მუხლი 2**

ეს ბრძანება ამოქმედდეს 2025 წლის 1 იანვრიდან.



